

DIE WAPAD

SAWA OOS-KAAP



Ingestuur deur Yvette Erasmus



Die verpleegster kom by die dokter.

"Dokter hier is 'n man in die wagkamer wat dink hy is onsigbaar."

Wat moet ek doen?"

"Sê vir hom, dat ek hom nie vandag kan sien nie."

Wouter Steenkamp



Elkeen van die gesiggies vertel sy eie storie, maar met so 'n mooi jong meisie op sy skoot lag Kersvader die breedste.



Kersvader het vir oud en jonk ietsie saamgebring. Hier is ons senior burgers met hul geskenkpakkies saam met Kersvader.

Wat is die Bybelse reëls om konflik te hanteer?

Wat is die oorsaak van konflik?

Konflik is natuurlik, normaal en neutraal. Sommige mense sal selfs sê dat konflik genotvol is. Dit is 'n situasie wat aanwesig is waar twee of meer mense saam werk of lewe. Dit hoef nie tot 'n pynlike rampspoedige einde te lei nie! Dit is egter nie oor die konflik wat ons bekommerd moet wees nie, maar oor ons hantering van daardie konflik! Hoe ons verskille beskou, benader en verwerk bepaal ons lewenspatroon en gehalte.

Konflik kan as eerlike verskille beskou word, as die betrokke partye bereid is om mekaar met respek te behandel en mekaar op 'n liefdevolle manier met die waarheid te konfronter.

Het die Bybel vir ons enige voorskrifte oor wat om te doen en wat om te vermy om konflik te beperk en/of uit te skakel.

Die Bybel het 'n reeks verse wat oor konflik handel. Hier is enkele riglyne vir Konflikhantering:

Wees nederig, sagmoedig en eerbiedig teenoor ander (Ef 4:2; Kol 3:12; 1Pet 3:8; 5:5).

Wees selfbeheersd en bedaard (Gal 5:23, 1Tim 3:2; Titus 1:8; 2:1, 5-6)

Wees gewillig om genade te toon, selfs wanneer dit onverdiend is (Rom 12:8; Jak 2:13; 3:17).

Wees 'n vredemaker, poog om in vrede met almal te leef (Rom 12:18; Gal 5:22; 1Thes 5:13).

Wees geduldig, selfs in geval van 'n belediging (1Kor 13:4-5, 7; Gal 5:22; Ef 4:2; Kol 3:12; 1Thes 5:14; 2Tim 2:24).

Wees sterk en onwrikbaar in die geloof (1Kor 15:58; Jak 1:6-8).

Wees herhaaldelik vergewensgesind (Matt 6:14; 18:21-22; Kol 3:13).

Wees konsekwent bemoedigend en ingestel om ander op te bou (Ef 4:29, 6:22; 1Thes 4:18; 5:11, 14; Heb 3:13).

Wees getrou aan die waarheid en praat in liefde die waarheid (2Tim 2:15, Ef 4:15; 2Kor 6:7).

Wees biddend, selfs vir diegene wat vir ons probleme veroorsaak (Matt 5:44; Luk 6:28).

Moenie trots en arrogant wees nie (Rom 12:16; 1Kor 13:4; 2Tim 3:1-2, 4).

Moenie kwaad en humeurig wees nie (Gal 5:20, 23; Kol 3:8; 1Tim 3:2; Titus 1:7).

Moenie beledigend wees nie (1Kor 10:32; 2Kor 6:3).

Moenie vloek, ander mense skeldname noem of beledigende taal gebruik nie (Mat 5:22; 12:36; Kol 3:8).

Moenie oordeel of vinger na ander wys nie (Fil 4:8; Judas 16).

Moenie probeer wraak neem en kwaad vergeld nie (Rom 12:17-20; 1Thes 5:15).

Moenie skinder nie (2Kor 12:20; 1Tim 6:20; 2Tim 2:16, 23; Titus 3:9).

Moenie argumenteer, stryerig, aggressief of eiegeregtig wees nie (2Tim 2:24; Titus 3:2; 1Tim 3:3).

Moenie laster of kwaadwillig wees nie (2Kor 12:20; Ef 4:31; Kol 3:8; 2Tim 3:3; Titus 3:2).

Die Bybel vermaan ons om in vrede saam met alle mense te leef, so ver as wat dit moontlik is (Rom 12:18).

Is daar regte en verkeerde metodes om hierdie konflik te hanteer?

Daar is vier maniere om konflik te hanteer:

Probeer om konflik te vermy; Hou dit op dieselfde vlak; Waak teen verskerping en Poog om dit te verminder.

Konflik oplossing bestaan uit 4 stappe:

Tref 'n onderskei tussen die persoon en die probleem – dit beteken dat mense met respek behandel word. Daar is geen plek vir skelname en karakter veroordelings nie. Konsentreer op die werklike sake. Dit sal help as die deelnemers aan hulleself dink as vennote.

Fokus op die probleem en nie op die posisie van die persoon nie. Die saak moet hanteer word, ongeag of dit 'n laevlak werker of direkteur is.

Dink aan verskillende maniere om die probleem op te los. Beide partye moet voorstelle indien om 'n permanente oplossing te bewerkstellig en dus 'n herhaling te voorkom.

Dring aan op 'n objektiewe, regverdige en onderlinge aanvaarbare metode om die saak te besleg.

Sterkte. Onthou om die Bybelse gesindheid te openbaar in alle konflik situasies al is almal nie Christene nie.

Jy moet getrou wees aan wie jy is!

Ingestuur deur Yvette Erasmus

Voorsittersverlag

Kan nie glo dat ons die jaar 2013 aanpak nie. Eintlik sal ons moet leer om nog meer dinge op 'n dag te doen, want die tyd vlieg so dat voor ons, ons oë uitvee is hierdie jaar ook alweer iets van die verlede. Ons begin dus die nuwe jaar met nuwe krag en nuwe gees vir al die saamtrekke wat voorlê. Mag elkeen baie gelukkig wees om al die voorspoed, vredes en vreugdes te vang soos dit verby jou vlieg.

Baie geluk aan ons matrieks wat goed geslaag het. Mag julle ekeen die regte plek kry waar julle die grootmens-wêreld se eise sal aanpak. Die einde van mens se skoolloopbaan is die finale afsluiting van 'n kosbare fase. Al voel dit nie nou so nie!!!



Sterkte aan ons jonger maatjies wat nou met skool begin. Ek hoop regtig dat julle dit baie sal geniet en veral lekker toebroodjies in die kosblik sal kry! Mag dit baie goed gaan en sterkte ook aan al die ander kinders wat teruggaan na 'n nuwe graad toe. Julle moet dit baie geniet - ook die sport wat daarmee saam gaan.

Ons het almal ons nuwe program vir die jaar gekry. Bestudeer dit gerus goed en kom kamp saam met ons. Ons dink veral aan diegene wie se woonwa so bietjie stof vergader het. Ons verlang na julle.

Ons eerste saamtrek van die jaar is agter die rug en wat 'n heerlike naweek wat die jeug vir ons aangebied het. Ek is veral trots op die lezers by die Boekevat. Sjoe, kinders wat so mooi lees, laat my hart baie vinniger klop. Lees is maar een van my sagte punte op skool. So, baie dankie aan julle. Dankie ook vir die lekker gees en natuurlik vir 48 woonwaens wat die skoolgronde volgetrek het.

Daar is baie dinge wat die jaar gaan gebeur en ons begin met die uitgesoekte groepie wat 100+ toe kan gaan. Asseblief, kyk of dit nie vir julle moontlik is om te gaan nie. Ek weet dis ver, maar maak maar 'n kort toertjie daarvan. Dit sal lekker wees as ons 'n hele klomp kan gaan.

Dan is daar ons Boknes kamp en ons Paasnaweek kamp wat voorlê. Ons sal later meer inligting hieroor gee.

Die wintertoer sal heel moontlik gaan tot by Maselspoort in die Vrystaat. Ons werk aan die toerplan en meer inligting volg binnekort.

Sterkte aan elkeen wat al weer met 'n glimlag in die tuig is. Die eerste dag is maar altyd swaar na so 'n lekker vakansie, maar hoe gouer die werk begin, hoe gouer kom die salaris en die volgende saamtrek.

Ek wens elkeen nou 'n goeie jaar toe met baie geluk. Sterkte vir al die dinge wat voorlê. Mag julle elkeen die krag ontvang om die beste van alles te maak.

Jakkie Barnardo

Redakteursbrief

So staan die jaar 2013 nou reeds in sy tweede maand en die vakansie is verby. Van ons kon heellik gaan vakansie hou terwyl ander maar die pot aan die kook tuis moes hou.

Ek glo dat die Kerstyd saam met die familie vir julle baie gelukkige herinneringe inhou.

Sedert ons laas gesels het was daar darem weer kamp. November 2012 was 'n baie suksesvolle Kerskamp by Van Stadensriviermond.

Dit was 'n naweek vol aktiwiteite. Daar was Bingo gespeel, die kinders het pragtige kerskaartjies gemaak en selfs van die ouer kinders, pappas en mammas het heellik deelgeneem aan die maak van die kaartjies. Kersvader het vir ons kom kuier, geskenke vir oud en jonk uitgedeel en daarna het almal heellik gekuier by hul karavane.



Wie onthou nog die preek waar die dominee die blaaie uit die Bybel skeur? Ja onthou die Bybel het reëls wat ons moet nakom, so leef daarvolgens anders kan ons maar die blaaie uitskeur want dan is dit nutteloos.

Ons het weereens 'n heelike kamp by Laerskool Summerwood gehad. Die Boardwalk was besoek deur tenpin bowling te speel, waterorrel te kyk of sommer maar net lekker rond te loop en die besienswaardighede te geniet. Al die naweek se aktiwiteite (speletjies, swemgala en LAN aand) was goed ondersteun en ons kon lekker saam kuier en lag soos net Sawanante kan..

Vir die kinders wat nou in 'n nuwe graad is, sterkte met die leerwerk. Matrieks... onthou dit is 'n baie kort jaar geniet dit, maar studeer hard. Jy sal eendag die vrugte daarvan pluk. Vir die Graad 1 kleintjies dit is nie so erg nie. Ja ek hoor selfs klein Carla Ferreira (Kwaaitjie) en Jordan Momberg (ai, ai, ai) is ook vanjaar in graad 1, wonder wie sal ons nou jammer kry. Vir hulle of die Juffrouens?

Jan Hugo

Van Stadens Nov. 2012

Dit is weer daardie tyd van die jaar, en meteens besef ons die jaar is verby! Vir die kinders tussen ons (groot en klein) is daar groot opgewondenheid oor Kersfees wat net om die draai lê!

Van ons staan stil en probeer dit alles inneem dat nog n jaar verby is—wanneer het dit dan gebeur? Dit voel dan soos gister wat ons reg gemaak het vir Kersfees, laas jaar? Nietemin is ons reg om weer te kamp!

Ons senior burgers het al Woensdag begin kamp. Hulle doen dit in styl, Vrydagoggend met 'n Kersontbyt en kuier lekker saam voordat die res van ons "nie so seniors burgers" opdaag.

Vrydag arriveer die meeste van die ander kampers en almal skrop nes. (Ons is 50 karavane vir die naweek) Vrydagaand het ons boekvat en daarna verdaag almal vir so 'n uur, en 'n klompie kom terug om Bingo te speel. Dit is nou 'n lekker manier om die week af te sluit! Yvette lees nommers af en ons soek tussen al die kaarte die nommers. Benji moet spook om by te bly om die nommers neer te skryf vir almal (indien jy dit dalk gemis het). Na n paar rondtes, gaan almal weer terug na hul karavane toe om die aand te geniet. Die vure brand weer hoog, en almal kuier lekker saam. Dankie Benji, Yvette en gesin vir die organisering.

Saterdagoggend begin die kamp vroeg beweeg! Vinnig word die saal versier met Kersversiering en die kinders begin van 11uur af kerskaartjies maak. Dit was groot pret!

Almal knip, plak, teken, verf en geniet hulle self! (Weereens kom die kind in van die grootmense uit)

Later die middag is dit tyd om die Kersboodskap te kry. Dit vind plaas in die vorm van 'n poppekas. Die Human familie het al die pad van Hanover vir SAWA Oos Kaap kom kuier. Almal geniet dit baie, en ons word herraaner aan die grootste geskenk van Kersfees—Jesus! Ons sing daarna lekker saam aan 'n paar Kersliedjies.

Uiteindelik het die tyd aangebreek waarvoor ons kinders al so lank wag! Kersvader kom kuier! Geskenkies, kers "crackers" en lekker goed pakkies word uitgedeel. Ons senior burgers kry ook 'n lekker pakkie koekies. Ons almal kuier weer lekker saam die aand.

Sondag kom preek Ds Maruis Lourens, van die NG gemeente Vanstadensrivier, vir ons. Watter wonderlike manier om die week af te sluit met so 'n wonderlike boodskap. Na die diens kuier almal saam met koffie en eetgoed in die saal.

Almal gaan terug karavane toe, en skielik is die naweek verby. Party geniet nog die lekker sonnetjie vir die dag, braai eers, en vertrek weer terug huis toe.

Baie dankie aan almal wat die naweek moontlik gemaak het. Daar is te veel om name te noem. Mag julle almal 'n Geseënde Kersfees beleef en 'n fantastiese 2013. Vir die wat weg gaan met vakansie, kom veilig weer terug.

Kamp groete

Dina & Anton



As die nommers nie op jou Bingo kaart is nie, plak jy maar die kolle op jou kop.




Hierdie Bingo spelers is meer ernstig.



Hierdie klompie maak hulle kaartjies vir Kersvader.



Die eindprodukt pragtige kerskaarte.



Die Human familie van Hanover

Senior Burger Kerskamp – van Stadens

14de - 16de November 2012



Die Seniors is vroeg op die Woensdag daar, asook ander jonger lede. Ons is altesame vier woonwaens. Die aand is 'n kort boekvat deur myself gelei en daarna het ons heerlik gebraai en gesels.

Donderdagoggend kom nog drie seniors uit en 'n heerlike middag tee is geniet.

Wouter het die aand boekvat gelei en ons het tot laat gekuier. Vrydagoggend is dit 'n heerlike dag, almal het gehelp met die tafel versierings vir die Kersfeesontbyt.

Wouter open die verrigtinge met gebed en ons geniet 'n heerlike ontbyt. Ons dank ons hemelse Vader vir 'n uitsonderlike naweek .

Die foto's vertel die verhaal.

Andy



Lief en Leed


Lief:

- ♥ Casper en Philna Jerling se dogter Cassandra is as Dux leerling vir 2012 van Laerskool Albertyn aangewys.
- ♥ JJ en Zelvoné het OP by SA Skaakkampioenskappe verteenwoordig.
- ♥ Baie geluk aan ons matrieks. Julle het hard gewerk en verdien die goeie uitslae. Mag dit baie goed met elkeen gaan.
- ♥ Kenneth Bothma en sy hond se prestasie
- ♥ Die Labuschagne's en Bothmas met hul nuwe karavane



Leed

- ▣ Ronnie Boshof was in die hospitaal vir 'n operasie.
- ▣ Rika Muller was in die hospital vir 'n oog operasie
- ▣ Barend Swanepoel was ook opgeneem in die hospitaal vir waarneming
- ▣ Sandra Fourie se Suster is oorlede.
- ▣ Barend Swanepoel se broer is oorlede.
- ▣ Harry Fielding – 'n oud Sawanant - is oorlede
- ▣ Oom Reitz en Tannie Susie—Operasies ondergaan.
- ▣ Malcom wait se dogter wat Kaap toe moet gaan vir 'n operasie.



Die bejaarde leermeester het begin moeg word vir sy jong leerling se alewige gekla en eenoggend vroeg stuur hy hom uit om sout te gaan haal.

Toe die leerling terugkom met die sout gee die bejaarde leermeester die omgekrapte leerling opdrag om 'n hand vol sout in 'n glas water te gooи en dit dan te drink.

“Hoe smaak dit?” vra die ou leermeester.

“Bitter,” antwoord die jong leerling terwyl hy die mond vol soutwater uitspoeg.

Die ou leermeester glimlag en vra vir die jong leerling om weer 'n hand vol sout te neem en dit in die meer te gooи. Nadat hy die sout in die meer gegooi het sê die ou leermeester, “Drink nou van die meer se water.”

Terwyl die water van die jong leerling se ken afdrup vra die ou leermeester hom, “Hoe smaak dit?”

“Vars en verfrissend,” antwoord die leerling.

“Kon jy die sout proe in die water?” vra die ou leermeester.

“Nee,” antwoord die jong leerling.

Die ou leermeester gaan sit langs die jong leerling en neem die jongman se hande in syne en sê:

“Kom dat ek jou vandag leer oor die sout.”

“Die pyn in die lewe is suiwer sout; niks meer en niks minder nie. Die hoeveelheid pyn in die lewe bly presies dieselfde. Maar, die hoeveelheid bitterheid wat ons proe hang af van die houer waarin ons dit plaas. Dus, wanneer jy in pyn verkeer, is die enigste uitweg om verder heen om jou te kyk, vergroot jou gevoel van alles om jou.... Hou op om 'n glas te wees. Word 'n meer.”

Soms raak ons so vasgevang in ons eie pyn dat ons dink dit is al wat bestaan, maar wanneer ons die pyn rondom ons sien dan besef ons dat die soutwater wat ons nou drink glad nie so bitter is nie.

Yvette Erasmus

Soek karavaan om te koop

Eric Noack is op soek na 'n kleiner woonwa. Indien iemand weet van een, kontak asseblief vir Bettie Venter by 082 579707. Hulle soek in die prysklas van R20 000 – R25 000.

Mangoldspool 30 November - 02 Desember



Om te dink ons is by die laaste kamp van die jaar. Dit is veronderstel om somer te wees, maar ai tog die ou wind maar, kamp wil ons kamp. Party manne was gelukkig om vanaf die Donderdag te kamp. Vrydag het die karavane so een vir een begin inkom. Ek dink die Vissers het die wind saam gebring Mangolds toe. Ons was altesaam 11 karavane, min maar lekker.

Vrydagaand het van die manne lekker gekuier en selfs vir OU LEKKER OU JAN daar gehad sonder tandé en al. Bothma klim teen die mure uit. Ek wonder vir wat?????

Saterdag het die kinders lekker "banana boats" gemaak en versier. Dit was so groot prêt dat tannie Jakkie ook saam versier het.

Ek het vir die eerste keer gesien 'n groot man breek amper sy karavaan se deur af so bang is hy vir 'n mot.

Sondag het Gerhard vir ons afgesluit met 'n pragtige boodskap.

Geseënde Kersfees aan jul almal.

Groete

Liana





Bekendstelling van nuwe lede

Pieter en Elize du Preez



Pieter en Elize is woonagtig te Uitenhage waar Pieter 'n Onderhoudsbestuurder by Good-year en Elize 'n tuisteskepper is. Hulle het twee kinders, Hanel en Renier. Hanel werk as administratieweklerk op Uitenhage en Renier werk al 3 jaar in Engeland as 'n elektriese ingenieur.

Hulle kamp al baie jare en dit is dan ook tydens van hul alleen kampe dat hulle kennis gemaak het met lede van SAWA. Hulle het nog nooit saam met ander groep gekamp nie, maar was al uitgenooi om met ander groepe ook te kamp.

Hulle kamp omdat hulle daarvan hou om dinge saam te doen en die buitelewe te geniet. Hulle glo dat daar nie 'n beter manier is om die buitelewe te geniet as met 'n woonwa nie.

Hulle glo ook dat jy so min as moontlik moet saam neem as jy gaan kamp, maar Pieter pak altyd sy draagbare lae braai en baie droë hout in. Die TVstel moet liewer by die huis bly, maar 'n lekker musiek "box" moet saam gaan.

Wanneer hulle gevra word om 'n oord aan te beveel vir ander kampeerders sal hulle Pine Lodge uitsonder as 'n oord om te besoek. Dit was ook hul eerste kamp by Summerwood en hulle het dit baie geniet en sal weer daar gaan kamp.

Hulle het nog nie by Hartenbos gekamp nie en sal baie graag binnekort daar wil gaan kamp.

Pieter se stokperdjies is hengel en fietsry en hy gaan dan ook in Maart aan sy 10de Argus fietstoer deelneem.

Die Wapad wens hom alle sterkte toe namens SAWA Oos-Kaap met sy 10de Argus fietstoer.

Tan Hugo

SAWA KaapMiddellande Verslag vanaf NUB 10 November 2012

Die vergadering is op Saterdag 10 November te Kemptonpark gehou.

In sy openingsrede het die Nasionale Voorsitter dit beklemtoon dat die streek se voorsitter die verantwoordelike persoon vir die streek se doen en late is en dat hy/sy terselfdertyd ook aanspreeklik is daarvoor vir dit wat in die streek gebeur.

Daar is besluit dat elke streek se bates voortaan by die AJV-dokumente ingebind moet word.

Die periode waaroor voortaan verslag aan die NUB gedoen moet word, strek vanaf drie weke voor die NUB tot drie weke voor die volgende NUB. Vir die NUB van Februarie 2013 is die periode dus November, Desember en Januarie. Daar moet tenminste drie weke tydsverloop toegelaat word vir die Gebiedsvoorsitter en die Nasionale Sekretaris om die inligting vir die volgende vergadering voorberei.

Die formaat waarin die verslag ingedien moet word, het verander. Dit sal vroeg volgende jaar aan streekvoorsitters gestuur word.

Ledetal.

Die ledetal het oor die afgelope twee jaar redelik geflaktureer. Elke Gebied se getalle is oor die afgelope drie jaar in oënskou geneem. Daar is 'n hele aantal streke waar daar geen groei die afgelopetyd was nie. Daar is egter streke waar die groei positief was en steeds groei. Kaap Middellande is die enigste gebied waar groei plaasvind. Hier is dit veral Oos-Kaap wat oor die afgelopene aantal jare volgehoue groei toon, ten spyte daarvan dat twee streke reeds afgestig het. Die vraag is gevra waarom Oos-Kaap steeds groei terwyl daar streke, in dieselfde gebied is, waar geen groei plaasvind nie.

Bestuur

Planne moet in plek gestel word om persone voor te berei om uiteindelik tot streekbesture en hoër verkies te word. 'n Situasie kan ontstaan dat onervare persone op 'n bestuur beland. Streke behoort 'n werksessie aan al hulle lede aan te bied waar die streek/gebied se doelwitte gekommunikeer word. Voortdurende direkte kommunikasie met lede is van groot belang.

Geschiedenis

Christo van der Merwe en Nico Spaumer is tans besig om die SAWA se geskiedenis sedert die veertigste verjaardag op te dateer. Dit sal 'n volgehoue proses wees tot die 50ste verjaardag. Wanneer streke en gebiede versoek word om notules en ander belangrike inligting aan hulle te verskaf, moet ons asseblief saam met hulle werk en die inligting beskikbaar stel.

Finansies

Glo dit as julle wil. Daar was tot 10 November nog steeds streke se finansiële verslae uitstaande. Daar is weereens 'n beroep gedoen dat die verslae vanaf streke so gou as moontlik na afsluiting 31 Julie aan die Nasionale Penningmeester gestuur moet word. **Dit maak nie saak indien dit nog nie by die AJV gedien het nie. Al dien dit ook daar, daar kan hoegenaamd niks meer aan die syfers gedoen word nie.** Ons het nie die probleem in ons gebied nie. Dankie, vir julle samewerking.

Webwerf

Streke/Gebiede moet asseblief hulle e-pos en "password" aan Diana stuur. Sy sal nie met die inligting peuter nie. Dit is bloot vir rekord doeindees.

Voog

André en Juliana is weer ons voog.

Besoek

Daar is 'n besoek aan Strelitzia, deur Jurie vir die volgende jaar, geskедuleer.

Jurie wil ook 'n vergadering met al die streekvoorsitters in elke gebied reël. Dit wil vir my voorkom asof die gedagte van konsolidasie nog nie tot ruste gekom het nie. Die gebiedsvoorsitter word op die vergadering uitgesluit. Daar sal later op 'n datum en plek besluit word.

Ons enigste saamtrek waar lede van die Gebied teenwoordig sal wees, is die 100+ gedurende die naweek van 3/4 Maart. Klein Karoo sal die plek nog bekend maak.

Fondsinsameling.

Die lootjies vir die TV en ander pryse, het uiteindelik R23 221.78 ingebring. Daar sal weer 'n loting wees. Die pryse is nog nie bepaal nie. Die boekies sal tydens die Februarie NUB beskikbaar wees.

Daar is nog steeds tafeldoeke teen R150 stuk beskikbaar.

Uitstaandes skuld moet asseblief so gou moontlik by die kantoor vereffen word.

Die epos-adres van die nuwe Penningmeester is: **vossie@justmed.com**

Die jaar program sal eers elektronies aan al die voorsitters versend word. As gevolg van streke wat op 'n baie laat stadium steeds saamtrekke verander het, het dit die finale afronding erg vertraag.

Baie dankie vir al julle ondersteuning en samewerking die afgelopejaar.

Groete

Daan Schoeman



Memoirs—Ere lid

Oom Reitz & Tannie Susie Kruger



Oom Reitz en Tannie Susie is die oudste aktiewe lede van SAWA Oos-Kaap.(dalk die oudste aktiewe lede in SAWA) Hulle het Paasnaweek 1989 te Humansdorp by SAWA aangesluit. Sederdiens het hulle al 264 streek saamtrekke en 325 algemene saamtrekke saam met SAWA bygewoon. Hulle het dan ook welverdiend in 2008 erelidmaatskap van SAWA verkry.

Oom Reitz en Tannie Susie kamp omdat hulle dit geniet en glo dat jy nie 'n beter manier van ontspanning kry nie. Oom Reitz was vir 8 jaar die Senior Burger verteenwoordiger vir Oos-Kaap en geniet nog steeds om saam met die Senior Burgers te kamp.

Noudat ons ouer raak is dit moeiliker om die karavaan op en af te slaan, maar gelukkig is daar altyd iemand wat gewillig is om ons te help en daarom kan ons nog steeds lekker saam kamp en die natuur geniet..

Kampe wat hulle altyd geniet het en sal onthou is die kampe wat hulle te Humansdorp gekamp het. Met die jare het hulle ook 'n paar kongresse in die Transvaal en Vrystaat bygewoon wat altyd onthou sal word vir die goeie samesyn en die georganiseerdheid van die kongres kampe.

By Mangoldspool was daar een kamp wat die wind hulle skade aan hul tent gebring het en hulle eerder daardie kamp sal wil vergeet vir die onaangename weer en gepaardgaande skade.

Wanneer hulle die karavaan pak vir 'n naweek of langer vakansies sorg hul altyd dat die medisyne tassie ingepak is. Tannie Susie sê oom Reitz mag ook nie sy vrou by die huis vergeet nie.

Die oord waar hulle tans die meeste geniet om te gaan kamp is Van Stadensriviermond, vir die natuurskoon en netjiese geriewe daar. Die oord wat hulle glad nie geniet nie is Winston trekkers, die geriewe is nie altyd wat hulle verwag van 'n oord nie en daar was ook diefstal wat dit onaangenaam maak om daar te kamp.

Hulle het nog nie by Sitrusoewer gekamp nie en sal baie graag hierdie jaar daar wil gaan kamp.

Mag julle dit geniet en nog baie jare vir julle kinders en SAWA Oos-Kaap (julle kamp kinders) gespaar bly.

Tan Hugo

SAWA OOS-KAAP JEUGKAMP KAMPVERSLAG SUMMERWOOD 11 – 13 JANUARIE 2013

Alhoewel die kampprogram eers Vrydag begin het, was daar verskeie lede wat gelukkig genoeg was om sommer vanaf die Maandag te kon saam kamp. Summerwood was pragtig en heerlik - net soos die vorige jaar. Die swembad was skoon, die water verfrissend, die weer was heerlik en die geselskap en geselligheid van vriende saam - prysloos!

Vrydagaand se Boekevat was gehou deur Zelvonné Swanepoel en Elrike Botha. Hulle het vir ons herinner aan die belangrikheid van gebed en het vir elke ouerpaar 'n afskrif van die 10 geboorie vir ouers deur kinders oorhandig. Hierna het die jong latte gaan LAN in die klubhuis terwyl die res van ons om die braavleisvure gekuier het.

Saterdagoggend het die jongklomp heerlik by die swembad baljaar en allerhande sports aangevang. "Die Widders" het die "Toughy Tiere" die stryd aangesê, maar dit was uiteindelik die "Toughy Tiere" wat gewen het. Saterdagmiddag was dit die groot swim gala en dit was omtrent 'n naelbyt stryd tussen die verskillende spanne. Al die spanne het verbete teenmekkaar uitgeswem in die koue. Daar was die "Outoppies", die "Powerpuff-girls", die "Damduikers" en die "Perlies" om maar net 'n paar name te noem. Uiteindelik het die "Lang Lelle" in die tweede plek geïndig en die "Stormers" is as kampioene gekroon.

Saterdagoggend se boekevat was waargeneem deur JJ Swanepoel en André Hall en daarna het die prysuitdeling plaasgevind. Baie dankie weereens aan die Labuschagne-egpaar wat die 2 trofees geskenk het. Hierna was daar lekker saam gekuier rondom die braavleisvure - ten spyte van die bietjie reën wat gevallen het.

Sondagoggend was die kerkdiens in die klubhuis gehou en het die kinders die grootmense beïndruk met hulle pragtige sang en danse. Die boodskap het gehandel oor God se 5 punt plan vir ons lewens en daarna het Blapsie gepraat!

Die res van die middag het almal lui-lekker rondgekuier, by die swembad gebraai en pot gemaak en rustig begin oppak. Dit was voorwaar 'n heerlike afsluiting van die Desember vakansie en bietjie "recharge" vir die Nuwe Jaar!

Dankie aan elkeen wat hierdie kamp 'n sukses gemaak het!

Zelda Swanepoel



Janko het vir die eerste keer saam met Oupa en Ouma by SAWA kom kamp



Die Briels sing in Barneys



Die Willemse's speel rummicup



Tannie Cora ontspan met haar boek



Oupa Tjaart speel met sy kleindogter in die swembad

Fotoblad: Summerwoodkamp



Watersport aksie vir oud en jonk om te geniet



Gesoute toeskouers langs die swembad



Nog toeskouers



Die wenners van die watersports



Die lang lelle tweede in swemgala



LAN aand vir die kinders



Tieners oppad Boardwalk toe

So hou die kinders hulself besig



Kinders se opvoering tydens kerkdiens

SAWA Oos-Kaap se skaak kampioene

Vordering van die Swanepoel kinders in skaak 2012

Hierdie kinders het so baie bereik in hierdie jaar en ons kan nie anders as om trots te wees op hulle nie.

JJ en Zelvoné speel in Laerskool Handhaaf se Eerste skaakspan en die span het soos in die afgelope 4 jaar weer die liga gewen. Hierna moes hulle die skaakspanne in Port Elizabeth uitstof, en daarna die spanne van Oos Londen en Umtata en groter Transkei area.

Dit het beteken dat hulle die wenners in die onder 13 Ope afdeling van die Groter Oostelike Provinsie was en dus kwalifiseer om te gaan deelneem aan die Suid Afrikaanse Nasionale Skole Kampioenskappe wat gedurende Desember 2012 in Pretoria plaasgevind het. Tydens hierdie spoggeleenheid het die top spanne in verskillende sportsoorte teen mekaar meegeding. Hier het Handhaaf se span 'n derde plek Nasionaal behaal en dus bronsmedaljes ontvang. Zelvoné is ook die enigste een in die span wat 'n bordprys verower het deur 'n "fullscore" maw 8 uit 8 punte te behaal.

Vandaar het hulle gaan deelneem aan die Suid Afrikaanse Skaak Kampioenskappe in die Kaap waar beide van hulle in die A- spanne van hulle onderskeie ouderdomsgroepe die OP verteenwoordig het en in die kampioenskap – afdeling (A) deelgeneem het. Alhoewel die OP spanne nie so goed gevaar het hierdie jaar nie, het JJ weereens sy bordprys verower. Hy is die enigste een in sy span en het met 'n 5.5 uit 7 puntetelling geïndig. Dit is die derde jaar in 'n ry wat hy 'n bordprys verower op die SA's.

Zelvoné het as gevolg van haar prestasies gedurende die jaar gekwalifiseer om te gaan deelneem aan die Suid Afrikaanse Geslote Kampioenskappe wat gedurende April 2013 sal plaasvind. Deelname is slegs op uitnodiging. Dit beteken dat sy reeds geïdentifiseer is as deel van die top 16 onder 12 dogters in Suid Afrika. Hierdie Kampioenskappe is 'n naelbyt geleentheid waartydens die kinders teen mekaar uitspeel en waar die Suid Afrikaanse span (Springbokke) gekies word. Ons wens haar alle sterkte toe!



Jan Hugo

Matilda se kampverslag

Liewerste Kamperjollers

Wat 'n lekkerste Kerskamp het julle toe by Van Stadens gehad.

Tannie Yvette het die oulikste poppekas gehad. Vader Kersfees het ook gekom maar Ouma sê julle moes die kinder gesiggies gesien het toe hulle hul present gekry het? Hoe die ouers aan al die verskillende presente kon uitdink gaan haar verstand (nie dat ek baie het nie) te bowe?

Vandag sal julle my sekerlik nie glo nie maar dit is sowaar die waarheid.

Ouma vertel dit toe vir die waarheid dat die dominee, wat by hierdie kamp by Van Stadens gepreek het amper sy Bybel heeltemal opgeskeur het.



Oupa sê toe dit was 'n ander predikant seker maar van die States of so iets wat dit glo gedoen het.

Hy het vir die gemeente gevra: "steel julle?" Dalk net 'n pen of wat van die werk, ja, hy weet dit word gedoen so toe skeur hy die bladsye uit sy bybel uit wat sê jy mag nie steel nie.

Toe vra hy begeer julle dalk iets van iemand, dalk jou buurman se motor.

Ja, mense het al vir hom gesê dat hulle wat sou gee om 'n kar soos syne te he. Toe skeur hy al die bladsye wat oor begeer gaan uit sy bybel uit.

Wat van die 9de gebod vra hy toe, jy mag nie skinner nie?

Nee wat sê hy toe wat sal die lewe wees sonder 'n paar sappige stories van ons naaste en hy skeur toe weer uit. Ook wil hy toe weet van buite egtelike verhoudings,

"Nee," sê hy toe "dis outyds om dit nie te doen nie? En hy skeur toe weer bladsye uit sy bybel uit. Moet ons Sondae kerk toe gaan," vra hy?

"Nou hoekom moet ons dit nou doen, al maak God met ons 'n afspraak, ons het nie lus nie". Toe skeur hy weer die bladsye uit

Ag, wat van eer jou ouers of doodslaan of vloek of afgode of om God te eer en nie Sy naam ydellik te gebruik nie wie wil dit nou dit alles onderhou.

Ek wil maak soos ek wil en kerk toe gaan wanneer ek lus het. Daar skeur die dominee toe al die bladsye uit sy bybel en sê

"Wie wil nou die outydse boek tog lees" en gooi toe die boek toe op die vloer. Die predikant verlaat toe die kerk.

Gelukkig sien Ouma toe dat Oupa toe reg was en dat dit net 'n boek was en nie die Bybel wat ons dominee opgeskeur het nie.

Ja, dit laat ons dink nè?

Julle moet nou maar lekker vakansie hou en seën bede vir die Nuwe Jaar, sien julle daar.

Lovies en baie geskenke aan almal.

Matilda van Oos-Kaap.

Ons beplan ons eerste boskamp BAVIAANSKLOOF



Ons beplan om die naweek van die 26—28 April 2013 ons eerste boskamp te hou. Ons wil graag die Vrydagaand almal by Komdomo bymekaar kom waar ons dan die eerste nag sal oornag.

Die volgendeoggend wil ons so tussen 07:00 en 07:30 weer daarvandaan vertrek en verder die Baviaanskloof reservaat verken.

Oral waar dit mag lyk of daar iets interesants kan wees sal ons stop en foto's neem en net die natuur ervaar. Vir die van ons wat CB radio's het vat dit saam. Dit kan net groot pret wees.

Die koste van die naweek sal eersdaags aan alle lede deurgegee word.

So om en by 11:00 sal ons stop, bring jou gasbottel en skottelbraai dan sal ons iets van jou eie keuse gaarmaak om al die hunger magies te vul.

Daarna sal ons verder ry en oornag op 'n gesikte plek wat ons almal kan hanteer. (sal saam met koste bekend gemaak word)

Ons sal dan die volgende dag aan die Willomore kant van die Baviaanskloof uitgaan, vir hierdie roete moet jy sorg dat jou brandstof tenk vol is wanneer ons die Baviaans binnegaan.

Slegs 'n hoë voertuig word benodig, 4 x 4 sal nie nodig wees vir hierdie roete nie. Die roete is ook nie karavaan vriendelik nie, so u sal maar n tent of boswa moet gebruik

Alle SAWA reëls geld vir hierdie boskamp en boekvat sal elke aand gehou word, soos normal. Inbetaal reëlings sal op die kamp bekend gemaak word.

Daar word ook van elke lid wat hierdie kamp wil meemaak verwag om voor die einde Maart 'n deposito van R200.00 by my in te betaal.

Jan Hugo

Lede geld en Bedryfsfonds

U moet groot asseblief u ledegeld betyds by Hoofkantoor inbetaal. Kyk watter maand u aangesluit het en handel dit dan af. Ons moedig graag debietorders aan. Dit vergemaklik die taak baie en u het nie meer probleme nie. Eenmalige intreefooi = R150; Gewone lede tans : kontant = R290; Senior Burgers : kontant = R280; debietorders is R10 minder by elke groep.

Bestuursvergadering 2 Februarie 2013

Adverteer hier:

Enige iemand wat belangstel om sy besigheid in die Wapad te adverteer, u is welkom om u advertensie vir my aantestuur na Jan.hugo@transnet.net.

Koste beloop R120.00 per jaar, jaar tydperk is vanaf AJV—AJV. Advertensie grootte kan verskil afhangende van die beskikbare spasie.

Die gelde vir hierdie advertensies moet dan by die Penningmeester inbetaal word op die AJV om u plek op die advertensie blaaie te verseker.

Dankie

Vir wanneer jy jou karavaan verkoop

Indien u belangstel in ‘n nuwe plakker vir u woonwa, kan u by Benji Erasmus een koop. Dit is egter baie belangrik dat wanneer u u woonwa verkoop, MOET U DIE SAWA KENTEKEN EN SNOR AFHAAL. Asseblief ons sien woonwaens by die handelaars met plakkers op. Dit mag nie gebeur nie!

Bestuursvergadering 1 Februarie 2013

JAARPROGRAM : 2012/2013

SAWA Oos-Kaap

MAAND	DATUM	KAMP	OORD		1 0 0 %	KAMPL.
AUGUSTUS	9 – 12	AJV	WINSTONS TRACTORS		1	Bestuur
AUG/SEPT	31/8 – 2/9	Streek	PEARSON PARK			Jakkie
SEPT	7 – 9	<i>Bestuurskamp</i>	PINE LODGE			Bestuur
SEPT	21 – 24	Kongres	HARTENBOS			Bespreek
SEPT	28 – 30	Streek	GAMTOOS FERRY		2	Dina / Zelda
SEPT/OKT	29/9 – 7/10	Toer	BLOMMETOER			Tania
OKTOBER	19 – 21	Mini-Gebied	WILLOWS		3	Geb Best
NOVEMBER	14 – 18	Streek	VAN STADENS	SB	4	Dina
NOV/DES	30/11 – 2/12	Streek	MANGOLDSPOOL			Liana
JANUARIE	9 – 13	Streek	SUMMERWOOD		5	Zelda
FEBRUARIE	13 – 17	Streek	WILLOWS	SB	6	Johan S
MAART	1 – 2	100+				<i>Klein Karoo</i>
MAART	21 – 24	Streek	CANNON ROCKS		7	Johan v V
MRT/APR	29/3 – 1/4	Streek	PAASNAWEEK			
APRIL	26 – 28	Streek	PEARSON PARK / BOSKAMP			Sandra Jan
MEI	22 – 26	Streek	GAMTOOS FERRY	SB	8	Benji
JUNIE	14 – 17	Streek	WILLOWS		9	Jakkie
JUN/JUL	29/6 – 6/7	Streek	WINTERTOER			
JULIE	12 – 14	Streek	ADDO /SITRUSOEWER			Johan v V / Richard
AUGUSTUS	9 – 11	AJV	VAN STADENS		1	Bestuur
AUG/SEPT	30/8 – 1/9	<i>Bestuurskamp</i>	PINE LODGE			
SEPT	18 – 22	Streek	WILLOWS	SB	2	
OKTOBER	18 – 20	Mini-Gebied	JEFFREYSBAAI		3	
NOVEMBER	13 – 17	Streek	VAN STADENS	SB	4	
DESEMBER	6 – 8	Streek	MANGOLDSPOOL			

VERJAARSDAE

FEBRUARIE

2	Barend	SWANEPOEL
2	Vicky	WEITZ
3	Wanda	VAN VUUREN
5	Edmar	DU PREEZ
6	Cora	BROPHY
6	Mandy	BROPHY
7	Ronnie	BOSHOFF
7	Dylan	WILLETT
10	Anneke	LERM
11	Arno	ENGELBRECHT
11	Piet	KAPP
12	Monique	BÜCHNER
12	Ferdi	DU TOIT
12	Chris	JONKER
13	Rohan	KNOETZE
15	Alida	KINGHORN
16	Anton	WILLEMSE
18	Caitlin	BRAND
20	Gato	FERREIRA
21	Chloé	JANSE VAN RENSBURG
22	Sandra	FOURIE
22	Tjaart	SNYMAN
24	Derineé	ERASMUS
24	Kayleigh	ERASMUS
24	Edwin	NANCE
25	Pieter	DU PREEZ
26	Ben	WEITZ
27	Mario	WEITZ

MAART

1	Cassandra	JERLING
2	Adrian	BENEKE
2	Adele	BEZUIDENHOUT
4	Betsie	DU TOIT
4	Gerhard	MOGGE
8	Mia	JANSE VAN RENSBURG
8	Marli	LE ROUX
9	Philna	JERLING
9	Gerhard	MOMBERG
11	Susan	VAN BROUWERSHAVEN
11	Christa	VIVIERS
13	Rozelle	VON MOLENDORFF
14	Sakkie	KINGHORN
16	Michelle	SMIT
17	Joanéll	OELOFSE
18	Magda	COERTZE
21	Johan	RAUTENBACH
22	Adele	ENGELBRECHT
22	Janelle	WHITTLE
23	Divan	VISSEN
25	Anja	DU PREEZ
25	Ryno	MATTHYSEN
27	Elmarie	VAN ECK
27	Corné	CROUS
28	Laura	VAN WYK
29	Jacques	STRYDOM
29	Anton	VON MOLENDORFF
30	Nadia	VAN AARDT
31	Lynette	POTGIETER

DESPATCH MOTORS

Bothastraat 76

DESPATCH

Tel: 041 933 3293

Faks: 041 933 2293

**Ons koop en verkoop gehalte
gebruikte motors en bakkies.**


Barend Swanepoel

083 657 4943



Marius Swanepoel

082 374 1395



Building Contractor

NHBRC & VAT Registered (Ubuntuvent cc)

~ Free quotations ~

*** New Buildings * Boundary Walls * Palisades * Paving ***

*** Alterations * Electrical * Plumbing * Granny Flats ***

C.J. Snyman

Cell: 084 580 5818

Fax: 041 933 3248

email: tjaarts@webmail.co.za

|||||| PRESTIGE auto sales



<u>Year</u>	<u>Make</u>	<u>Model</u>	<u>KM</u>	<u>Retail</u>	
2009	Alfa	Romeo 159 JTS, 1.9. 6 Sp Manual	65 326	R	159 900
2009	Audi	A6, 2L, TFSi, Multitronic	53 900	R	279 900
2009	Audi	A4. 2.0L Turbo Multitronic (S-Line) B8	58 300	R	244 900
2006	Audi	A3, 2.0L, T Sportpack	95 409	R	135 900
2009	Audi	S3, Sportback Quattro	51 300	R	309 900
2006	BMW	730d (E65) A/T (excl M/Plan Ext)	75 800	R	299 900
2009	BMW	320i A/T (E90) F/L	28 000	R	239 900
2008	BMW	525i (E60) A/T	81 500	R	269 900
2010	BMW	X1, 2.0d, X-Drive, A/T	46 300	R	339 900
2008	BMW	335i, A/T (E90) Sportpack	33 500	R	299 900
2009	BMW	523i, A/T (E60)	52 800	R	249 900
2008	BMW	X3, 2.0d, X-Drive, Sportpack, Manual	92 500	R	229 900
2008	BMW	325i, A/T (E90) Pre-F/lift	72 800	R	189 900
2010	BMW	X1, 2.0d , X-Drive, A/T	60 315	R	329 900
2011	BMW	320i, Manual	44 720	R	249 900
2006	BMW	1200 GS, spots, paniers, top-box (Cross)	26 000	R	85 000
2009	Chevrolet	Cruze 1.8 LT, A/T	66 100	R	179 900
2011	Chevrolet	Cruze 1.8 LS, Manual	17 300	R	189 900
2008	Chrysler	Sebring 2.7 V6 A/T Limited	30 500	R	169 900
2009	Ford	Fiesta 1.6i Trendline Manual	55 200	R	139 900
2010	Ford	Everest 3.0 Tdci, XLt, Manual, 4x2	14 600	R	265 900
2011	Ford	Ranger 3.0L, TDCi, XLT, 4x2, Hi-Trail	19 671	R	219 900



Trade-ins welcome.

Finance can be arranged at all major financial institutions.

**Any enquiries do not hesitate to contact
Benji Erasmus 083 309 9951
benji@prestigeautosales.co.za**

|||||| PRESTIGE auto sales



<u>Year</u>	<u>Make</u>	<u>Model</u>	<u>KM</u>	<u>Retail</u>	
2006	Honda	CRV 2.0 RVSi, Manual	130 000	R	139 900
2010	Honda	Jazz 1.5i, Exec	71 832	R	139 900
2008	Hyundai	Acsent 1.6 GLS, Manual	88 500	R	79 900
2009	Hyundai	Tiburon 2.0L Coupe, GLS, Manual	42 900	R	159 900
2000	Jaguar	S-Type 3.0 SE A/T (Motorite Incl)	194 500	R	79 900
2011	Kia	Sorento, 2.2 D, A/T, 7 Seater, 4X4	18 650	R	339 900
2012	Kia	Cerato 2L, Koup, 6 Sp Manual	9 895	R	199 900
2009	Mazda	BT 50 3.0 CRD D/C 4x2, SLE	86 500	R	219 900
2011	Mazda	3. 1.6 Active 4dr, 5 Sp Man	21 800	R	169 900
2006	Merc	CLS 500 A/T	25 985	R	359 900
2009	Merc	E200, Cgi, BE, A/T, Avantgarde	28 500	R	369 900
2010	Merc	A180, Cdi, Avantgarde, Manual	35 700	R	219 900
2010	Merc	A180, Elegance, A/T	53 700	R	199 900
2008	Merc	C280, Avantgarde, A/T	103 000	R	209 900
2009	Merc	SLK 200 K, Manual	33 669	R	349 900
2009	Merc	C200, Elegance, A/T	59 552	R	265 900
2007	Merc	C320, CDi, Avantgarde, A/T	54 803	R	260 900
2009	Merc	C300, Avantgarde, A/T	38 366	R	299 900
2010	Merc	C200, Kompressor, A/T, Avantgarde	24 124	R	279 900
2010	Merc	C300, Avantgarde, A/T	54 788	R	309 900
2002	Merc	C240, A/T, Elegance	91 016	R	99 900



Trade-ins welcome.

Finance can be arranged at all major financial institutions.

**Any enquiries do not hesitate to contact
Benji Erasmus 083 309 9951
benji@prestigeautosales.co.za**

|||||| PRESTIGE auto sales



<u>Year</u>	<u>Make</u>	<u>Model</u>	<u>KM</u>	<u>Retail</u>	
2007	Merc	CLS 500 A/T	55 990	R	359 900
2005	Merc	CLK 350 Avantgarde A/T Coupe	87 000	R	269 900
2009	Merc	C200, Estate, Elegance, A/T	39 100	R	289 900
2008	Merc	E220, Cdi, Avantgarde, A/T	81 000	R	239 900
2005	Merc	SLK 350, A/T, Convertible	92 350	R	249 900
2010	Mitsubishi	Pajero Sport 3.2 Di-D, SWB, GLS, A/T	51 000	R	339 900
2008	Mitsubishi	Colt Clubcab 2800 Tdci, 4x4, Manual	145 543	R	149 900
2011	Mitsubishi	Triton 2.5 Di-D, Clubcab, Manual	10 465	R	229 900
2010	Nissan	X-Trail, 2L Dci, Manual, 4x2, XE (R82)	74 000	R	215 900
2012	Nissan	NP 200. A/C, Canopy, B/Tooth	12 631	R	119 900
2011	Opel	Astra 1.6 Essentia, 5 Sp Man	8 800	R	189 900
2006	Peugeot	206, 1.6 XS	43 000	R	65 900
2012	Peugeot	308, 2.0 Hdi, Prem PAC	12 631	R	219 900
2006	Renault	E-Space, 2.0T, 7 Seater	72 000	R	149 900
2011	Suzuki	Swift 1.4 GLS, Manual	10 200	R	149 900
2009	Toyota	Verso 1.6 S, 6 Speed Manual	60 500	R	179 900
2011	Toyota	RAV 4, 2.0 VX. 4WD	20 100	R	309 900
2007	Toyota	Prado 3.0 Tdi, Manual GX	148 553	R	259 900
2010	Volvo	S40, 2.0i, Manual	21 000	R	184 900
2007	Volvo	S80, D5, Geartronic, 2.4L (120kw)	112 467	R	149 900
2010	VW	Tiguan 2.0 Tdi Track&Field 4Mot, Manual	28 800	R	289 900
2006	VW	Sharan 1.8 T, 7 Seater, Manual	92 613	R	139 900
2010	VW	Polo Vivo 1.4 Base a/c, dual A/C, alloy	22 741	R	109 900



If I don't have the vehicle of your dreams,
talk to me and I will find it!

Benji Erasmus 083 309 9951

benji@prestigeautosales.co.za